

DEWAN RA'AYAT YANG PERTAMA

PERSEKUTUAN TANAH MELAYU

PENGGAL KELIMA

KERTAS PEMBERITAHU

HARI ITHNIN, 27^{HB} MEI, 1963

PERTANYAAN² BAGI JAWAB MULUT

***1. Enche' V. David** bertanya kepada Perdana Menteri ada-kah beliau akan menimbangkan di-hantar satu rombongan Persatuan Sekerja ka-Indonesia.

***2. Enche' Ng Ann Teck** bertanya kepada Menteri Perdagangan dan Perusahaan :

- (a) berapa harga gula pasir dalam bulan April, 1962 dan bulan Mei, 1963, dan mengapa ada perbedzaan demikian itu di-antara harga dalam bulan April, 1962 dengan harga dalam bulan Mei, 1963;
- (b) apa langkah² yang telah di-ambil oleh Kerajaan bagi mengurangkan harga gula pasir balek saperti dahulu;
- (c) apa langkah² lagi yang di-ambil oleh Kerajaan bagi mengurangkan harga gula pasir sunggoh pun Kerajaan telah beberapa kali menchuba baru² ini berikhtiar hendak mengurangkan harga gula pasir tetapi nyata-lah tidak berjaya.

***3. Enche' Ng Ann Teck** bertanya kepada Perdana Menteri apa hak² istemewa yang akan di-nikmati oleh orang² Melayu di-wilayah² Borneo ia-itu hak² istemewa yang tidak dapat kapada warga negara Malaysia yang lain².

***4. Enche' Ng Ann Teck** bertanya kepada Perdana Menteri ada-kah kuasa menggunakan pangkalan² British dalam Malaysia yang di-chadangkan itu terserah kapada Kerajaan Malaysia atau Kerajaan British memutuskan-nya.

***5. Enche' V. Veerappen** bertanya kepada Menteri Keselamatan Dalam Negeri ada-kah beliau sedar bahawa Pasokan Rusoh, dengan bantuan mata² gelap tempatan di-Province Wellesley, pada 2hb Mei, 1963, di-antara pukul 7 dan pukul 11 malam telah menakutkan orang² dengan menangkap dan memukul orang dengan tidak tentu fasal di-Ibu Pejabat Polis Daerah, Nibong Tebal, dan jika ya, apa-kah sebab-nya tindakan ini telah di-buat.